

Gelo. Nakhlyas o grastesa. Grabindyas o kofasa. Nashto. Peli palal leste. O phuri phenla:

– Kana ka les i pani, ka aves pash mande!

Gelo ki phuri, diyas i pani. Pherdyas ekh shishe i phuri. Ay, gelo peske.

– Hale tuke akana i pani.

Akana o rakloro chudinela pes, sar te mudarkyarel o rakles. Hayde.

– Dade! Mangava te anel mange ekh herbuzo!

E, gelo pala.

– So?

– Mangava akana te anes ekh herbuzo.

Gelo pala pash i phuri. Phenla:

– E, mo chho! Akana isi but zori! Khanilo si but othe. Ka zhas – phenla – oy soola. Ako si lake yakha phanle, nanay te dzhas. Ako si phutarde – ka dzhas. Kana si e yakha phutarde, oy soola. Nakhesa tar i bostani. Kratinesa ekh harbuzo. Nash.

Lela, gelo o raklo. Dikhela i lamyas sovela. Nakhel o grastesa, lel ekh harbuzo. Nashtyas. I lamyas peli palal les.

– E! – phenla – Hayde! O drom te ovel tuke phuterdo!

Geldyas o herbuzo ki phuri. Lilyas i phuri, chhindyas harinka. Gelo pash o thagarno.

– Dade! Mangava te anel i lamyas!

Vikindyas o raklws.

– Mangava te anes i lamyas!

Li o raklo gelo pash i phuri.

– Babo! Akana mangela i lamyas te anav leske!

Phenla:

– Ela, dikh so ka phukav tuke! Ka manges ekh tover. La isi ekh baro kasht ko dvoros. Ka chhines o kasht. I lamyas – phenla – ka avel upral tute. Ka phenel tuke: „Ey! li me grastes lilyan, mo pani lilyan, mo herbuzo lilyan. Akana mo kasht lilyan te chhines!“. Tu ka phenes lake: „Me ka chhinav kava kasht. Ka kerav ekh mohto. Te anav tuke odova manushes.“ Oy – phenla – ka pomaginel tuke.

Lela pes, gelo. Zachhindyas o kasht.

– A-a-a! Znachi tu sichko lilyan! Akana lilyan o kasht te chhines! Ma, ba!

– Me alyom te chhinav les! Te kerav ekh mohto, ta te anav tuke ekhe manushes.

Oy lilyas, pomagindyas les. Paravde o kasht, kerde o mohto. Akana i phuri sikavela les: